



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**


Bartoli, Daniello

Lvgdvni, 1665

Benedictvs Conversinvs. Electus Britouoriensis, Vicecamerarius almæ
Vrbis, eiusque districtus Generalis Gubernator.

urn:nbn:de:hbz:466:1-10840

auersus ab iis animus, & in partes propensus aduersariorum, qui cum essent in aula gratiosi persuaderant, promissionis specie, bona verba Ignatio daret quæ negare non poterat; factò negaret quod videri volens promittere, præstare tamen nullo modo veller. Viro igitur sancto bilinguis huius idiomatis ignato, significat, mentem hanc esse, Cardinalis legati, ut pro confecta lis, absolutaque haberetur, iubarenturque partes de cœtero silere. Verum tota longè in oppositum res cessit: reuerso Romam Pontifice & in secessu Tusculano sub autumnum agente, rediit Ignatio sua spes, impe trandi scilicet ab eo, quod tanto ambitu petium, Gubernator semper negauerat; & sanè tam æquum petebat, vt eius simplici expositione, illicet fuerit ex Pontifice imperratum, missus continuo ex eius cubiculariis, qui Gubernatori ediceret placere Pontifici ut quæ in eius tribunali pendebat, Ignatij causæ imponeretur finis, & pro partium merito supremum pronuntiaretur. Interrogantur itaque & tres illi Iudices à quibus Ignatius fuerat Compluti, Parisis, & Venetiis absolutus, leguntur dicta pro Ignatij sociis testimonia, Exercitorum liber examini subditur, & iudiciis omnium in rectam Ignatij doctrinam, probitatē inque vitæ consentientibus pronunciatum ut sequitur, missäque pronuntiatæ sententiæ apographa quocumque gentium æmuli suas calumnias sparserant,



BENEDICTVS CONVERSIVS.

Electus Britouoriensis, Vicecamerarius
almæ Vrbis, eiusque districtus
Generalis Gubernator.

NIVERSIS & singulis, ad quos præsentes nostræ literæ peruerent, salutem in Domino. Cum Reipublicæ Christianæ multum interficit, ut eos, qui in agro Dominico vitæ exemplo, & Doctrina plurimos ædificant in salutem, & item illos qui è conuerso potius superseminare videntur Zizania, publicè notos esse, & non nulli rumores sparsiessent, & delationes ad nos factæ de dogmatibus; & conuersatione vitæ, & spiritualibus exercitiis, quæ aliis conferunt, Venerabilium virorum Dominorum Ignatij Loio-

Z la,

la, & sociorum; videlicet Petri Fabri, Claudij Iaij, Paschasi Broet, Iacobi Lainez, Francisci Xauier, Alphonsi Salmeronis, Simonis Roderici, Ioannis Codurij, & Nicolai de Bobadilla Magistrorum Parisiensium, presbyterorum secularium Pampilonensis, Gebennensis, Seguntinensis, Toletanensis, Vicensis, Ebredunensis, & Palentinensis respectiue Diocesis: Quae quidem eorum dogmata, & Exercitia à quibusdam dicebantur erronea, superstitiosa, & à Christiana Doctrina nonnihil abhorrentia, Nos pro Officij nostri debito ac speciali etiam mando Sanctiss. D. N. Papæ, circa hæc diligenter animaduertentes, quæ visa sunt ad pleniorum causæ cognitionem opportuna, inquisiuimus, si forte de quibus predicti culpabantur, & vera esse deprehenderemus. Quocirca examinatis primum quibusdam oblocutoribus contra ipsos, consideratis partim publicis testimoniis, partim sententiis de Hispania, Parisis, Venetiis, Vicentia, Bononia, Ferraria, & Senis, quæ in predictorum venerabilium virorum Dominorum Ignatij, & sociorum fauorem aduersus eorum criminatores prolatæ fuerunt: & ad hæc examinatis iudicitaliter nonnullis testibus, & moribus, & doctrina, & dignitate omni exceptione maioribus, tandem omnem murmurationem, & oblocutionem, & rumores contra eos sparsos nulla veritate subnixos fuisse comperimus. Quamobrem nostrarum esse partium iudicantes pronunciamus, & declaramus predictum D. Ignatium & socios ex predictis delationibus, & suffris, non solum nullam infamiae notam, sive de iure, sive de facto incurrisse, verum potius maiorem vitæ, atque doctrinæ sanæ claritatem retulisse: cum certò videremus aduersarios vanos, & penitus à veritate aliena obieccisse, & contra optimos viros, optimum pro illis exhibuisse testimonium. Hanc igitur sententiam, & pronunciationem nostram, ut publicum eis testimonium

stimoniū sit, contra omnes aduersarios veritatis, & in serenationem omnium, quicumque sinistram ullam de eis suspicione, prætextu talium delatorum, & criminorum conceperint, faciendam duximus. Monentes insuper, & exhortantes in Domino, & rogantes uniuersos, & singulos fideles, ut dilectos venerabiles viros D. Ignatium & socios, habeant, & teneant pro talibus, quos nos esse comperimus, & Catholicis, omni prorsus suspicione cessante. Ita tamen quatenus, in eodem vitæ, & doctrinæ tenore, Deo adiuuante (quod speramus) permanerint. Datum Romæ in ædibus nostris die decima octaua Nouembris, millesimi quingentesimi trigesimi octaui.

NEqua tamen h̄c Deus causæ huius cursum absolui passus est; Sed in graui, & iusto accusatorum suppicio, quos eorundem conuictos scelerum quibus Ignatium infamare, tot conatibus moliti fuerant, consentanea sceleribus inuoluit poena. Delatus ab iis Ignatius fuerat quod hæreseos damnatus, & adiudicatus rogo, poenam fuga vitasset; quæ fuisset in eius statua executioni mandata; hæc verò sors plane eadem vltore numine Mudarram comprehendit, probata enim, damnataque illius hæresi, flamnis addictus est, quas cum effracto carcere fugisset, probosè sua in statua ad Campi floræ cremata persoluit. Sacrilegij eiusdem reus Petrus de Castella perpetuo carcere clausus est. Pseudo-Monachus Lutheranus, sceleratæ machinæ primarius artifex, ruinam illius in caput suum vergere sentiens ex fuga quam arripuerat Gebennæ constituit, ibidem cucullum quem ad liberum in varias vrbes commeatum, Luthero, si posset, fecandas, assumperat, proiecit. Inde inter ministellos nomen professus est; tum author, vt fama est, fuit, pestilentis libri, quod Summarium Scripturæ inscribitur; ad extreum, tradit coœvus illi scriptor, facinorosam vitam, ignis suppicio clausisse. Sed dempto illo, omnes, conscientia ducti saniore, accusations aduersus Ignatium veraci palinodia reuocarunt, & obire in eius gratia mortem voluerunt. Petrus de Castella, errorum diu pertinax, diuque demorsa sui carceris catena, demum resipuit, atque inter manus vinius de Societate animam efflavit. Mudarra de Ignatio usque adeò cœpit alia sentire, vt eam ab illo expectauerit bonitatem qua solent viri sancti malefacta beneficiis rependere. Suis itaque in extremis malis, eius opem nec frustra implorauit. Barrera denique, in ultima vitæ periodo palinodiam, & ipse cecinit, fidéque iis quæ effutierat abrogata, innocentii famam restituit.